



KOMUNIKADO PA PRENSA

Fecha

21 di Mart 2017

Account manager

Jahaira Nahr

Email

jahaira.nahr@gobiernu.cw

Kaminda pa bai Wespen lo ta será pa tráfiko un dia mas pa terminá trabounan di asfaltamentu

Willemstad – Obra Públiko ta pidi esnan ku ta trafiká mas tantu den área di Wespen pa tene kuenta ku e kaminda menshoná lo ta será riba djárasen dia 22 di mart tambe, entre 7’or di mainta i 5’or di atardi pa tráfiko motorisá. Pa bai direkshon di Wespen por hasi uso di e ruta Soto - Santa Cruz - Lagun - Kenepa i pa bai pariba mester usa e direkshon kontrali. Obra Públiko ta pidi tur hende tambe pa tene kuenta ku e trabounan ku ta tuma lugá riba e kaminda i pa kore ku koutela.

Obra Públiko di Ministerio di Tráfiko, Transporte i Planifikashon Urbano den koperashon ku e kompania Aliansa Civil & Road Works a kuminsá e siman aki ku trabounan di asfaltamentu riba parti di e kaminda pa bai Wespen ku ta entre Wacawa i Savonet. E trabounan tabata kalkulá pa tuma lugá riba djaluna i djamars. Debí na algun punto imprevisto ku a okashoná trabou èkstra e kaminda ta keda será pa un dia mas.

Segun skema riba djaluna i djamars lo a pone e kapa mas abou di asfalt pa despues pone un kapa final un siman despues. Ora e trabounan a kuminsá a resultá ku e fundeshi tin muchu buraku. Pa evitá ku vehíkulonnan motorisá por okashoná daño na e promé kapa, a tuma e desishon pa drecha e burakunan promé i pa djárasen sigui ku bashamentu di e kapa di asfalt. E desishon aki sigur ta hasi ku e karetera ta keda den bon kondishon pa un periodo hopi mas largu. Obra Públiko ta pidi despena pa e molèster ku e dia èkstra aki ta kousa.